

apricot.

Apricot Capital: Trade & Invest

բջջային հավելվածի ուղեցույց iOS համակարգի համար

Այս ուղեցույցը կօգնի արագ և հեշտ կողմնորոշվել
հավելվածում և արդյունավետ օգտագործել դրա
հիմնական ֆունկցիաները

1. Ընդհանուր նկարագրություն

Apricot Capital: Trade & Invest-ը **Apricot Capital** ներդրումային ընկերության հաճախորդների համար նախատեսված հավելված է: Հավելվածը հնարավորություն է տալիս իրական ժամանակում ստանալ տվյալներ շուկաներից և իրականացնել արժեթղթերով և արժույթով կատարվող գործարքներ:

Հավելվածի միջոցով հնարավոր է՝

- Հետևել բորսաներում ցուցակված արժեթղթերի ընթացիկ գների,ն,
- Հետևել պորտֆելի կատարողականին,
- Մուտքագրել հայտեր,
- Հետևել շուկային գրաֆիկների միջոցով,
- Ստեղծել անհատականացված դիտացանկեր և կարգավորել ծանուցումներ:

2. Ինչպես սկսել

2.1 Ներբեռնել հավելվածը

Նախ անհրաժեշտ է ներբեռնել **Apricot Capital: Trade & Invest** հավելվածը **App Store**-ից:

Դրա համար անհրաժեշտ է.

1. Անցնել հետևյալ հղումով՝ <https://apps.apple.com/am/app/apricot-capital-trade-invest/id6756997964>
2. Սեղմել **Get** (ներբեռնել) կոճակը
3. Սպասել ներբեռնման ավարտին

Հավելվածի ներբեռնումից հետո հարկավոր է մուտք գործել համակարգ:


Հավելվածից օգտվելու նախապայմանն է ունենալ բրոքերային հաշիվ Apricot Capital-ում:

Եթե չունեք բրոքերային հաշիվ, այն կարող եք բացել.

1. Հավելվածի միջոցով

Երբ բացվում է հավելվածի գլխավոր էջը, անհրաժեշտ է կատարել հետևյալ քայլերը՝


1. Սեղմել Discover More with an Account (բացահայտել ավելին հաշվի միջոցով),
2. Ընտրել Register (գրանցվել),
3. Սեղմել Visit Website: Կբացվի պաշտոնական կայքը, որտեղ կարող եք գրանցվել:



2. Այցելելով պաշտոնական կայք՝ <https://apricotcapital.am/>


2.2 Մուտք համակարգ

Եթե ունեք բրոքերային հաշիվ Apricot Capital-ում, ապա հավելվածը բացելուց հետո անհրաժեշտ է կատարել հետևյալ քայլերը՝



1. Սեղմել Discover More with an Account (բացահայտել ավելին հաշվի միջոցով)
2. Ընտրել Login (մուտք)
3. Ընտրել Apricot Capital-ը
4. Մուտքագրել բրոքերի կողմից տրամադրված Username-ը (մուտքանունը)
5. Մուտքագրել Ձեր Password-ը (գաղտնաբառը)
6. Սեղմել Log in (մուտք) կոճակը

Եթե չեք հիշում Ձեր գաղտնաբառը, սեղմեք **Forgot Password** (մոռացել եմ գաղտնաբառը) կոճակը և սկսեք վերականգնման գործընթացը՝ մուտքագրելով Ձեր մուտքանունը: Այնուհետև հետևեք Ձեր **գրանցված էլեկտրոնային փոստին** ուղարկված նամակում գրված քայլերին՝ գաղտնաբառը վերականգնելու համար:



2.2.1 Touch ID և Face ID


Դուք կարող եք ակտիվացնել նույնականացումը **Touch ID** կամ **Face ID** մեթոդներով, եթե տվյալ հնարավորությունները հասանելի են Ձեր սարքում:

Հավելվածը կընդունի Ձեր սարքի գունային կարգավորումը՝ dark mode (մուգ գույներ) կամ light mode (բաց գույներ):

Մուտք գործելուց հետո հասանելիություն կունենաք հավելվածի գործիքակազմին:

2.3 Հավելվածի կառուցվածքը


Հավելվածի հիմնական էջի ստորին հատվածում կտեսնեք հավելվածի հիմնական բաժինները: Այստեղից կարող եք արագ և հարմար անցնել հավելվածի հիմնական բաժիններ:



Հիմնական բաժիններն են՝

- **Home** - գլխավոր էջ
- **Watchlist** - դիտացանկ
- **Analysis** - շուկայի վերլուծություն և գրաֆիկներ
- **Quick Trade** - գործարքների իրականացում
- **Alerts** - ծանուցումներ և հիշեցումներ
- **Menu** - հավելվածի մնացած բաժիններին և կարգավորումներին հասանելիություն


Home բաժինը



Home (գլխավոր էջ) բաժինը հավելվածի գլխավոր էջն է: Այստեղ կգտնեք Ձեր պորտֆելի ընթացիկ կատարողականի և շուկայի ակտիվության ընդհանուր պատկերի մասին տեղեկատվությունը:

Սեղմելով յուրաքանչյուր բաժնի վրա՝ կտեսնեք ավելի մանրամասն տեղեկատվություն:

Watchlist



Watchlist (դիտացանկ) բաժնում կարող եք հետևել արդեն իսկ գոյություն ունեցող դիտացանկերին կամ ստեղծել Ձեզ հետաքրքրող արժեթղթերի դիտացանկ:

Այստեղ կգտնեք ինչպես արժեթղթերի, այնպես էլ արժույթների դիտացանկեր: Այդ ցանկերից սեղմելով որևէ արժեթղթի կամ արժույթի վրա՝ կտեսնեք դրան վերաբերվող մանրամասն տեղեկատվություն ու գրաֆիկները:

Սեղմելով գրիչի տեսքով կոճակի վրա՝ կարող եք խմբագրել ցանկերի պարամետրերը, դիտացանկի արտապատկերման տեսքը և այլն:

My Lists (իմ ցանկերը) բաժնում կարող եք ստեղծել Ձեզ հետաքրքրող արժեթղթերի և/կամ արժույթների դիտացանկեր:

Markets



Markets հատվածում գրաֆիկների միջոցով կարող եք տեսնել կոնկրետ արժեթղթի գնային փոփոխությունը և շուկայի միտումները:

Գրաֆիկում **իրական ժամանակի ռեժիմով** ներկայացվում են գների փոփոխությունները՝ ներառյալ՝

- բացման և փակման գները,
- նվազագույն և առավելագույն գները,
- առևտրի ծավալը:

Analysis



Analysis (վերլուծություն) բաժինը տրամադրում է առանձին արժեթղթերի կատարողականի և շուկայի վերաբերյալ մանրամասն տեղեկատվություն:


Ձեր պորտֆելից կամ դիտացանկից սեղմելով որևէ արժեթղթի անվան վրա՝ կտեսնեք այդ արժեթղթի մասին վերլուծական տվյալները:

Էկրանին կտեսնեք հիմնական տվյալները, այդ թվում՝

- ընթացիկ գինը,
- օրական փոփոխությունը,
- առևտրի ծավալը,
- տվյալների թարմացման ամսաթիվը:

Quick Trade

Quick Trade (արագ առևտուր) բաժինը հնարավորություն է տալիս Ձեզ արագ և արդյունավետ կերպով իրականացնել արժեթղթերի կամ արժույթի առք կամ վաճառք:




Բաժինը ներառում է՝

- **Instrument Selection** (գործիքի ընտրություն) - այս ցանկից կարող եք ընտրել Ձեզ հետաքրքրող արժեթուղթը կամ արժույթը,
- **Sell/Buy** (վաճառել/գնել) - այս դաշտում կարող եք ընտրել, թե ցանկանում եք վաճառքի կամ գնման հայտ տալ,
- **Order Type** (հայտի տեսակ) - կարող եք ընտրել հայտի տեսակը՝ Market կամ Limit,


- **Price and Quantity Fields** (գին և քանակ) – այս դաշտերում կարող եք մուտքագրել գործարքի ցանկալի պարամետրերը՝ գինը և քանակը:

Հայտի բոլոր պարամետրերը մուտքագրելուց և **Send** (ուղարկել) կոճակը սեղմելուց հետո բացվում է հայտի հաստատման պատուհանը:



Order Confirmation (հայտի հաստատում) պատուհանում գործարքի կատարումից առաջ կարող եք արագ վերանայել և հաստատել հայտի հիմնական մանրամասները:

Alerts




Alerts (զգուշացում/ծանուցում) բաժինը հնարավորություն է տալիս սահմանել անհատականացված ծանուցումներ շուկայի կարևոր իրադարձությունների և գների փոփոխությունների վերաբերյալ:

Կարող եք ստեղծել ծանուցումներ՝ հիմնվելով հետևյալ չափորոշիչների վրա.


- **Price Levels** (գնի մակարդակներ) - կստանաք ծանուցում, երբ ընտրված բաժնետոմսի կամ առևտրային գործիքի գինը հասնի Ձեր կողմից սահմանված թիրախային արժեքին:
- **Percentage Change** (տոկոսի փոփոխություն) - կարող եք հետևել այն գործիքներին, որոնց գինը գերազանցում է նախապես սահմանված օրական կամ ժամային տոկոսային շեմը:
- **Volume or Activity** (ծավալ կամ ակտիվություն) - կստանաք ծանուցում անսովոր առևտրային ակտիվության կամ առևտրի ծավալի նշանակալի փոփոխությունների դեպքում:

3. Հայտի տեղադրում

Արժեթուղթ կամ արժույթ գնելու համար հայտ մուտքագրելու էջում կգտնեք հետևյալ դաշտերը.



Limit հայտ



Market հայտ

1. **Search Bar** (որոնման դաշտ) – բացվող ցանկից կարող եք ընտրել Ձեզ հետաքրքրող արժեթուղթը/արժույթը կամ մուտքագրել արժեթղթի կարճ հապավումը (օրինակ՝ AAPL*)՝ այն արագ գտնելու համար:
2. **Sell / Buy Toggle** (վաճառք/առք) – այս մասում կարող եք ընտրել ցանկանում եք գնել թե՛ վաճառել տվյալ արժեթուղթը/արժույթը:
3. **Order Type** (հայտի տեսակ) (օրինակում LIMIT) – այս մասում հարկավոր է ընտրել հայտի կատարման եղանակը՝
 - a. **LIMIT** – այս դեպքում Դուք եք որոշում գինը: Գործարքը կկատարվի միայն այն դեպքում, երբ շուկայում այդ գնով լինի գնորդ կամ վաճառող,
 - b. **Market** – գործարքը կատարվում է անմիջապես՝ տվյալ պահին գործող շուկայական գնով,

4. **Price** (գին) – այս դաշտում գրված է արժեթղթի/արժույթի ընթացիկ գինը: Այն երևում է միայն Limit հայտի դեպքում և Դուք կարող եք այն փոփոխել՝ սահմանելով Ձեր գինը, որով ցանկանում եք գնել կամ վաճառել արժեթուղթը: Market հայտի դեպքում այս դաշտը չկա:
5. **Amount** (ծավալ) – այս դաշտը կտեսնեք Limit հայտերի դեպքում: Այն արտացոլում է lot և price (քանակ և գին) դաշտերի արտադրյալը: Այս դաշտը լրացվում է ինքնաշխատ կերպով:
6. **Lot** (քանակ), (օրինակում 0) – այստեղ լրացնում եք, թե ինչ քանակի արժեթուղթ եք ցանկանում գնել/վաճառել:
7. **Validity** (հայտի գործողության ժամկետ), (օրինակում Day)– ընտրեք, թե որքան ժամանակ հայտը պետք է մնա ակտիվ:

Day (օր) տարբերակի դեպքում, եթե հայտը չի կատարվում տվյալ առևտրային օրվա ընթացքում, այն ավտոմատ կերպով չեղարկվում է:

Fill or Kill (FOK) (կատարել կամ վերացնել) տարբերակի դեպքում համակարգը ստանում է հրահանգ տեղում և ամբողջությամբ կատարել հայտը, իսկ կատարման անհնարիության դեպքում այն ամբողջությամբ չեղարկել: Օրինակ՝ ցանկանում եք Ձեր սահմանած գնով գնել 20 արժեթուղթ: FOK հրահանգի դեպքում համակարգն այդ գնով կփորձի գնել Ձեր նշած արժեթղթերը: Ենթադրենք համակարգը շուկայում այդ գնով գտել է միայն 15 հատ Ձեր ընտրած արժեթղթից: FOK-ի դեպքում համակարգն ամբողջությամբ կչեղարկի հայտը, քանի որ շուկայում Ձեր ցանկացած գնով ու քանակով չի գտել այդ արժեթղթից:

Immediate or Cancel (IOC) (անհապաղ կամ չեղարկել) տարբերակի դեպքում համակարգը ստանում է հրահանգ տեղում կատարել հայտը որքանով որ հնարավոր է: Հայտի այն մասը, որը հնարավոր չի լինի կատարել, կչեղարկվի: Օրինակ՝ ցանկանում եք Ձեր սահմանած գնով գնել 20 արժեթուղթ: IOC հրահանգի դեպքում համակարգն այդ գնով կփորձի գնել Ձեր նշած արժեթղթերը: Ենթադրենք համակարգը շուկայում այդ գնով գտել է միայն 15 հատ Ձեր ընտրած արժեթղթից: Այն կգնի


այդ 15 հատը, իսկ մնացած 5 արժեթղթի հայտն ինքնաշխատ ձևով կչեղարկի:

8. **Portfolio** (պորտֆել), (օրինակում 0) – ցույց է տալիս տվյալ արժեթղթի քանակը Ձեր պորտֆելում:
9. **SEND** (ուղարկել) – այս կոճակը հնարավոր է սեղմել բոլոր դաշտերը լրացնելուց հետո՝ հայտը հաստատելու և ուղարկելու համար:

4. Պորտֆելի կառավարում

4.1. Portfolio Value (պորտֆելի արժեք) բաժին

Ձեր պորտֆելի կատարողականին կարող եք ծանոթանալ Portfolio Value (պորտֆելի արժեք) բաժնում:



Այստեղ կգտնեք տեղեկատվություն հետևյալի մասին.

- **Equities** (Բաժնետոմսեր)


- **Live P/L** (Profit/Loss), (իրական ժամանակով շահույթ կամ վնաս)– պորտֆելում առկա դիրքերի չիրացված շահույթը կամ վնասը իրական ժամանակում արտահայտված ԱՄՆ դոլարով (USD):
- **Positions Value** (դիրքի արժեք) – պորտֆելի դիրքերի արժեքը (բաժնետոմսերի քանակը բազմապատկված վերջին ընթացիկ գնով)՝ արտահայտված ԱՄՆ դոլարով:
- **Trade Volume** (առևտրի ծավալ) – օրական իրականացված գործարքների ծավալը (քանակ × գործարքի կատարման գին):
- **Cash** (կանխիկ) – պորտֆելում առկա կանխիկ միջոցները՝ արտահայտված ԱՄՆ դոլարով:
- **Portfolio** (պորտֆել) – պորտֆելի ընդհանուր արժեքը՝ ներառյալ կանխիկ միջոցները և դիրքերը՝ արտահայտված ԱՄՆ դոլարով:
- **Buying power** (գնողունակություն) – հաշվարկվում է հետևյալ կերպ՝ սեփական միջոցներ (կանխիկ TO + Բաժնետոմսերի դիրքերի արժեք) – SUM (Բաժնետոմսերի դիրքերի արժեքի վարկ): Արժեքի վարկը ժամանակավորապես սահմանված է 0:
- **Daily executions** (օրական գործարքներ) – տվյալ օրվա ընթացքում կատարված գործարքների քանակը:
- **Day commission** (օրվա միջնորդավճար) – օրվա ընթացքում գանձված միջնորդավճարների ընդհանուր գումարը:
- **Currency Balances** (արժույթային մնացորդներ)
 - Պորտֆելում առկա տարբեր արժույթներ:
- **Margin Balances**
 - **Portfolio Status** (պորտֆելի կարգավիճակ) – ցույց է տալիս Ձեր բրոքերային հաշվի վիճակը՝ նորմալ, մարժային կանչ վիճակում, փակման փուլում կամ չսահմանված, եթե հաշիվը առևտրի համար հասանելի չէ:
 - **Aggregated Portfolio Value** (ընդհանուր պորտֆելի արժեք) – պորտֆելի բոլոր դիրքերի ընդհանուր գուտ արժեքը՝ ներառյալ

կանխիկ միջոցները, ներդրված դիրքերը, margin loans-ը (մարժայով տրված միջոցները) և արժեթղթերի կարճ դիրքերը:


- **Liquid Portfolio Value** (պորտֆելի իրացվելի արժեքը) - մարժային դիրքերի ընդհանուր զուտ արժեքը (արժույթներ և արժեթղթեր):
- **Initial / Maintenance Margin Requirements** (սկզբնական մարժայի / մարժայի պահպանման պահանջները) - սահմանում են պորտֆելի զուտ արժեքի նկատմամբ անհրաժեշտ նվազագույն պահանջները: Եթե պորտֆելի արժեքը ցածր է սկզբնական մարժայի մակարդակից, նոր դիրքերի բացումը սահմանափակվում է:
- **Maintenance Margin Requirement** (մարժայի պահպանման պահանջ) - պորտֆելի զուտ արժեքի նվազագույն թույլատրելի մակարդակը: Եթե պորտֆելի զուտ արժեքը իջնում է այս մակարդակից ցածր, բրոքերը սկսում է փակել դիրքերը, մինչև պորտֆելի արժեքը կրկին գերազանցի սահմանված շեմը:
- **Free Equity Value** (ազատ սեփական միջոցների արժեք) - պորտֆելի իրացվելի արժեքի և սկզբնական մարժային պահանջի տարբերությունը (ազատ իրացվելիություն):

4.2 Portfolio and Orders (պորտֆել և հայտեր) բաժին

Այս բաժինը կարող եք տեսնել անցնելով գլխավոր մենյու և ընտրելով Portfolio and Orders (պորտֆել և հայտեր): Այստեղ կտեսնեք մանրամասներ Ձեր պորտֆելի կատարողականի մասին, ինչպես նաև Ձեր հայտերը:



4.2.1 Հաշվի ամփոփ ներկայացում



- **Account ID** (հաշվի նույնականացման համար) – Սա Ձեր հաշվի եզակի համարն է, որն օգտագործվում է ներքին նույնականացման և տեխնիկական աջակցման նպատակներով:
- **Portfolio Value** (պորտֆելի արժեք), (օրինակում \$8.22) – հաշվի ընթացիկ ընդհանուր արժեքը՝ ներառյալ կանխիկ միջոցները և բոլոր ակտիվ դիրքերը:
- **Live P/L** (Profit/Loss), (իրական ժամանակով շահույթ կամ վնաս) – պորտֆելում առկա դիրքերի չիրացված շահույթը կամ վնասը իրական ժամանակում արտահայտված ԱՄՆ դոլարով (USD): Եթե ակտիվ գործարքներ չկան, դաշտը մնում է դատարկ:
- **Positions Cost** (դիրքի ծախս) – Ձեր կողմից ներկայումս պահվող բաց դիրքերի ընդհանուր ծախսը (եթե առկա են բաց դիրքեր):
- **Trade Volume** (առևտրի ծավալ) – ընտրված ժամանակահատվածում իրականացված գործարքների կուտակային ծավալը:

4.2.2 Orders (հայտեր)

Այս բաժնում կտեսնեք Ձեր բոլոր ընթացիկ, սպասման մեջ գտնվող և ավարտված հայտերը:



| Symbol ↓ | Side / Status Type | Size / Total Size Filled Size | Fill |
|----------|---------------------------|----------------------------------|------|
| AMZN | Long / Rejected Market | 1 / 1 0 | |
| AAPL | Long / Rejected Limit | 5 / 5 0 | 25% |
| GLD | Long / Rejected Limit | 2 / 2 0 | 44% |

- **Symbol** (սիմվոլ) - բաժնետոմսերի կամ գործիքների կարճ հապավումները (օրինակ՝ AAPL*, LAB*, ASML*):
- **Side/Status** (կողմ/կարգավիճակ) - ցույց է տալիս՝ արդյոք հայտը առքի թե վաճառքի է և դրա ընթացիկ կարգավիճակը (օրինակ՝ Working (ընթացքում), Rejected (մերժված), Filled (կատարված)):

Կարգավիճակը կարելի է տարբերակել նաև գույներով.


- Դեղին գույնը նշանակում է, որ հայտն ընթացքի մեջ է, ակտիվ է և սպասում է կատարման:
- Կարմիր գույնը նշանակում է, որ հայտը մերժված է և չի ընդունվել: Հնարավոր պատճառներից են՝ հաշվին չկա բավարար միջոց, մուտքագրել էք սխալ հապավում (ticker), ընտրել էք հայտի ոչ վավեր տեսակ կամ կան առևտրային սահմանափակումներ:
- Կանաչ գույնը նշանակում է, որ հայտը կատարված է:

- **Type** (տեսակ) – ցույց է տալիս հայտի տեսակը՝ օրինակ Limit կամ Market:
- **Total size** (Ընդհանուր չափ) – ցույց է տալիս հայտի ամբողջական քանակը (լոտերը):
- **Filled size** (Կատարված չափ) – ցույց է տալիս տվյալ հայտի շրջանակում իրականացված բոլոր գործարքների հանրագումարը:
- **Size** (Չափ) – ցույց է տալիս հայտի դեռևս չկատարած քանակը (լոտերը):

Կատարված չափը 0 է, երբ որևէ գործարք չի իրականացվել: Դա կարող է տեղի ունենալ, եթե հայտը մերժվել է, չեղարկվել է կամ դեռևս գտնվում է «աշխատանքային» (working) կարգավիճակում, քանի որ սահմանված գինը (limit price) դեռ չի բավարարվել:

- **Fill Price** (կատարման գին) – հայտի կատարման միջին գինը: Այն ցուցադրվում է միայն հայտի կատարման դեպքում:

5. Ելք



Հավելվածից դուրս գալու համար բացեք Էկրանի ստորին աջ անկյունում գտնվող **Menu** ընտրացանկը և ընտրեք **Log Out** (դուրս գալ համակարգից):

*Կարևոր է հիշել, որ ցանկացած ներդրում ենթակա է շուկայական տատանումների և կրում է ներհատուկ ռիսկեր: Նախքան ներդրումներ կատարելը, հաշվի առեք Ձեր ֆինանսական նպատակները և ֆինանսական ռիսկեր ստանձնելու Ձեր ունակությունը:

Էփրիքթթ Կապիտալը վերահսկվում է ՀՀ Կենտրոնական բանկի կողմից:

Նյութում ներկայացված օրինակները կրում են միայն տեղեկատվական բնույթ: Դրանք չեն հանդիսանում ներդրումային խորհուրդ կամ որևէ կոնկրետ արժեթուղթ գնելու կամ վաճառելու առաջարկ: Տեքստում նշված նախկինում գրանցված կատարողականը չի երաշխավորում ապագայում նմանատիպ արդյունքներ: